

Vorfundur Kvennalistans 22.-24. júní 1990.

400.16.5

Atriði til umhugsunar og umræðu, lögð fram af Pórhildi Porleifsdóttur og Kristínu Ástgeirsdóttur.

Það er ekkert launungamál að úrslit sveitarstjórnakosninganna nú í vor urðu okkur Kvennalistakonum mikil vonbrigði. Í framhaldi af atburðum vorsins og því að aðeins eru 10 mánuðir til næstu Alþingiskosninga vakna margar spurningar um pólitísku stöðu okkar og það traust sem konur bera til okkar, svo og ástandið innan dyra hjá okkur sjálfum. Við þurfum ekki aðeins að gera hreint í kerfinu, heldur líka að taka til í eigin hirslum. Á félagsfundi í Reykjavík skömmu eftir kosningar lögðum við fram til umræðu margar spurningar. Þær urðu hvergi nærrí útræddar og því birtum við þær hér, auknar og endurbættar, í þeirri trú að þær eigi erindi til allra Kvennalistakvenna.

1. Er "sjónarhorn" íslenskrar kennabaráttu (okkar) of þróngt?  
Um hvaða konur erum við að tala?
2. Hvað vitum við um stöðu íslenskra kennar? Er hugsanlegt að við drögum upp of svarta mynd af konum? Erum við dottnar í "eymdarpólítíkina" sem við vildum þó forðast fyrir 8 árum?
3. Hvað vilja konur? Í hvers konar þjóðfélagi viljum við lifa?
4. Hefur ímynd Kvennalistans breyst? Hvernig? Hvernig má bæta hana?
5. Hefur tekist að koma á okkur "ábyrgðarleysisstimpli"? Hafa útskiptin veikt trú fólks á okkur?
6. Hvernig er með lýðræðið innan Kvennalistans, er það virt? Ráða ákveðnar konur ferðinni? Er ekki hlustað á aðrar konur? Er konum skipt niður í ákveðna hópa og þeim falin verkefni í samræmi við það (hugmyndafræðingarnir, konurnar með skemmtilegu hugmyndirnar, þungavigtarkonurnar, kaffikonurnar o.s.frv.)?
7. Er bakslag á leiðinni í kennabaráttunni? Ef svo er hvernig kemur það fram og hvers vegna?
8. Stöndum við nágu vel að upstillingu á framboðslista? Getum við bætt aðferðir okkar?
9. Ef til stjórnarþátttöku kemur, hvernig eignum við að standa að vali á ráðherrum (ráðskonum)?
10. Þurfum við að bæta innri vinnubrögð/skipulag? Hvernig? Einkennist starf okkar af skipulags- og fyrirhyggjuleysi?
11. Erum við of kurteisar við aðrar konur, þ.e. konur sem beinlínis vinna gegn konum og kennabaráttunni, konur sem segja eitt, en greiða svo atkvæði um annað?
12. Hvernig getum við skerpt pólitíkina? Hvernig drögum við fram sérstöðu okkar? Er hún einhver? Hver? Kemur hún fram í stefnunni á þingi, í sveitarstjórnnum, í málflutningi almennt?
13. Hvaða afstöðu eignum við að taka til samstarfs við önnur stjórmálaöfl og konur (sbr. 19. júní) eða erum við sannfærðar um að við séum á réttri leið?

**14.** Höfum við höndlað endanlegan sannleika í kvennabaráttunni? Má ekki hreyfa við ákveðnum hugmyndum?

**15.** Hversu auðvelt/erfitt er konum að taka afstöðu með Kvennalistanum? Verður það hugsanlega æ erfiðara vegna harðnandi andstöðu og bakslags?

**16.** Hvernig eигum við að skipuleggja stefnuskrárvinnuna fyrir næstu alþingiskosningar (það eru í mesta lagi 10 mánuðir til stefnu)?

**17.** Hvernig getum við staðið að markvissri pólitískri umræðu innan Kvennalistans (við þurfum t.d. að ræða EB-málið, atvinnumál, efnahagsmál, sérstöðuna, kvennapólítíkina o.fl. o.fl.)

**18.** Erum við fastar í rótgrónum hugmyndum og spyrjum ekki grundvallarspurninga um þjóðfélagsgerðina t.d. trú á ríkisvaldið, stofnanir o.fl. sem eru jú allt hornsteinar karlveldisins? Er t.d. arfur sósialismans að flækjast fyrir okkur?

**19.** Hvernig sköpum við ferskar baráttuaðferðir?

**20.** Rekum við kvenfrelsispólítík eða kannski bara mæðrapólítík? Erum við hræddar við að ræða ákveðin mál? T.d. það að verða gamall, heilbrigðiskerfið eins og það snýr við konum, tæknifjóganir, að konur láta nú taka sig úr sambandi um þrítugt, lesbifur, erlendar konur o.fl.? Eru til "tabú" í kvennahreyfingunni? Er konum hugsanlega mismunað (meðvitað/ómeðvitað)?

**21.** Eigung við að beina umræðunni meira að körlum og karlmennskuímyndum?

**22.** Stelpur ætlum við ekki að gera byltingu?